

650 n 62
DE SPIRITUS SANCTI
A D V E N T U
O R A T I O

Habita in Sacello Pontificio

CORAM SANCTISSIMO DOMINO NOSTRO

CLEMENTE XI.
P O N T. M A X.

IPSO PENTECOSTES DIE

A FRANCISCO DALLA CORTE BRIXIENSI
SEMINARII ROMANI CONVICTORE.



ROMÆ, MDCCXI.

Apud Cajetanum Zenobium Typographum, & Scalptorem
SS. DOMINI Nostri, ante Seminarium Romanum.

SUPERIORUM PERMISSU.



CLEMENTI XI. PONTIFICI MAXIMO

FRANCISCUS DALLA CORTE
FELICITATEM.



CONTINUIT jam usus, BEATISSIME PATER, ut quæ coram Te habita esset Oratio; Tuo etiam Nomine inscriberetur. Quod si non modò coram Te habita; sed tota de Te esset Oratio; cui nam potiùs inscribenda foret, quam Tibi? Et tamen sic se res habet. Dum enim tria illa Ecclesiæ decora persequor, quæ sub Igneo Linguarum imbre præfigurari intelligebam, Sapientiam scilicet, Eloquentiam, & Cbaritatem; Video quàm opportunum iis omnibus, qui Te noverint, suspicandi locum fecerim, me non tam Eccle-

Ecclesiæ sectari laudes, quàm Tuas. Id autem, aut Ecclesiæ felicitati, aut Divini Numinis beneficentiæ tribuendum esse, nemo non videt. Atque utinam felicia isthac temporæ, vel in longum protraheret, vel identidem recuderet Deus; quibus de Ecclesia Orator loqui non posset, quin loqui de Pontifice videretur! Hanc nobis interim felicitatem, BEATISSIME PATER, non invide; sed potius sapientiâ illâ tuâ, qua humana, ac Divina com præbendis; perge populos Tibi è Cælo commissos instruere: perge incredibili illâ Eloquentiæ Tuæ vi Ecclesiam frequenter alloqui: perge Charitatis Igne non Orthodoxam modò fovere fidem, sed venenatas etiam Hæresum stirpes exurere: perge demum ex hoc ipso Sanctitatis, & Religionis domicilio, veluti ex altero Sionis Cænaculo, eos Pastores educere; qui Tibi, quàm simillimi futuri esse videantur. E quorum numero cum unus Brixie certò contigerit, qui succrescentem clanculum erroris luem diligentissimè perquisivit; inventam verò, ac penè natam oppressit; temperare mihi non possum, quin pro tanto Præsule, etiam Patriæ meæ nomine, Pastorum omnium Principi gratias referam immortales.



ORATIO.



DEI Ecclesiam, BEATISSIME PATER, quam Filio suo Sponsam tot antè Sæcula destinaverat Pater; quam, ubi venit plenitudo temporis, suo sibi sanguine acquisiverat Filius; Increatus Patris, & Filii Amor hodiernâ die splendidè copiosèque dotavit. Hanc autem dotem quidnam aliud esse crediderim, quàm Patris Sapientiam, Eloquentiam Filii, Divini Spiritus Charitatem? quarum primam Flammæ splendor, alteram Linguarum forma, tertiam Ignis ardor expressit.

Et sanè, quàm rude, quàmque, penè dixeram, sublimium rerum impatiens, erat Apostolorum ingenium; ante quàm eorum menti Sapientiæ Lumen Divinus Ignis affunderet

deret . Humili loco natos , tenuisque inter fortis angustias enutritos , nec privatus discendi labor , nec ulla eruditio excoluerat : Naviculas in Mare propellere , retia reficere , piscationis quæstu vitam traducere , id tandem penè totus erat Apostolorum labor , & studium . At postquam Iis Sionis in Domo Cœlestis Flamma resplenduit ; tunc enim verò primis illis Ecclesiæ Pastoribus , sublimia quæque Divinitatis Arcana patuere : Tunc primò initum Ecclesiam inter , & Deum tam firmum , ratumque veritatis , ac sapientiæ commercium ; ut nec illa , quæ Deus dixit , ignoratura sit unquam , nec , quæ illa definiit , rescissurus sit Deus . Tunc demùm , quæ sapientibus , atque prudentibus absconderat Pater ; ea parvulis revelavit : illis , inquam , parvulis , quos , ut fortia quæque confunderet ; Ecclesiæ suæ fecit Conditores , & Principes .

Sed quoniam par erat ; ut collatam à Patre Sapientiæ dotem Corporatus etiam Filius eloquentiæ accessione exaggeraret ; hinc , quos Sponsi Pater Flammæ luce erudierat ; eos Ecclesiæ Sponsus Linguarum pluviam voluit esse disertos . At quàm disertos , Deus immortalis ! eos esse oportebat , qui nec generis nobilitate specta-

spectabiles, nec Doctrinarum fama conspicui,
imò potius, & oris habitu, & cultu corporis
despicabiles, in ipso tamen Hebraicæ Religio-
nis domicilio, tam feliciter perorarent; Ut eo-
rum Magister ab iis ipsis pro Deo haberetur,
qui eum è Ligno suspenderant, ab iis surrexis-
se crederetur, qui sepelierant.

Ecclesiam inter, & Sinagogam id discri-
minis interest, ut altera inter fulgura, & to-
nitrus genita, timoris Legem in Sinai; altera,
innoxias inter blandientium linguarum flam-
mas nata, in Monte Sion Amoris Legem ac-
ceperit; Hinc mirum non est; illam si timidam,
quodammodo, ac pudibundam (piger enim,
& latebrarum amans est timor) mirum in-
quam non est; illam si Judææ contentam angu-
lo, angusti adeo fines circumscriberent: Hanc
contra actuosam semper, & vividam (angustia-
rum enim impatiens est amor) nulli fines, nul-
li limites coercerent. Ut igitur Dei Ecclesia
in omnes quaquaversum terræ partes se se
protenderet; primos illos Fidei Tibicines amo-
ris sui Igne Divinus Spiritus inflammavit: Quo
factum est, ut illos nec viarum pericula, nec
interjecta Maria, non Regionum longinqui-
tas, nec ignoti Barbararum Nationum mores,
non

non demum, aut Gentium minæ, aut Judæorum insidiæ deterrent; quò minus inter se se terrarum Orbem partirentur, illumque penè totum sudoribus fœcundarent, & sanguine.

Oh nascentis Ecclesiæ opulentissimam Dotem! Sapiencia illa, quam hodiernus Ignis sua luce designat, tenebras omnes Humani Generis dispulit: Eloquencia illa, quam insidentes capiti Apostolorum Linguæ præfigurant; Sinagogam totam, atque omnem superstitionem evertit; Charitas illa, quam labentium è Cœlo Flammæ ardor indigitat; oblectantibus frustra hominum, ac Dæmonum fraudibus, in remotissimas quasque mundi plagas, amoris legem invexit.

Faxit jam Deus, ut pinguem adèdò opimamque Ecclesiæ dotem Ii qui Apostolorum sunt loco, & quorum proindè Fidei, ac custodiæ eam commendatam Deus esse voluit;

non modò fartam tectam; imò etiam

novis semper accessionibus auctam,

in ipsa Sæculi consummatione,

Ecclesiæ Sponso

restituant.